

خزینہ اوراق

تاریخ تالیف
۱ مایس سنہ ۱۲۲۷

جمعہ ایرتسی

نومبر
۳

عمومی اعتباریہ فنونہ دائر رسالہ ادبیہ در

آیدہ درت کرہ اولہرق جمعہ ایرتسی کونلری حیقار

الفت دمیدر - دیدم - امان بو
 کلکشت ایدم کل ای بری رو
 تحریک قدم قیلوب نہائی
 ایندی ینہ برنگاہ تائی
 الدی آئی بر تفکر اول آن
 بلبلر اوتردی شاد وفرخان
 اوقشاردی کنار باغی جولر
 کوردم کلیور او ماه پیکر
 چشمین قپامش صاحیلہ اما
 اولقده تبسمی هویدا .

چاملیجه

قدرت ادیدلری مسلم اولان سزایی بک افندیگ
 مقاله شاعرانه لیدر

چاملیجه شو عالم سفلینک سمایه اک قریب بر محلی ویاسمانک
 زمینہ اک یقین بر برجیدر دینیلجک قدر علموی در .
 چاملیجه بر بیوک شاعرک ذهنی کبی عالم بالای قدرندن نزول
 ایدن فیوضاتک هر بردن زیاده مہبطی مشتاق علویت اولان
 خیالاتک هر بردن زیاده محل ترصدی ہودنی عالمک دغدغہ سندن
 تنفرلہ تجرد ایدرک خالقنی دوشونمک نعمت بقاجویانہ سنہ مختصر
 اولان بر روحک آراہوبده بولہ مدیننی شوجہانک بر کوشہ
 ازوای مستناسیدر .

چاملیجه دنیلان موقع ممتاز قدرنک عطایای بدیعہ مدنی

جامع بر مجسم لوحه طبیعتدر . سمانك هنج بر علوی تماشایی
 هنج بر رنگ لطافتی هنج بر روح پرور منظره سی یوقدر که
 چاملیجه نك طلوعنده غروبنده یلدیزی کیچه سنده مشهود اولسون.
 طبیعتك هنج بر رونق صفا بخشی هنج بر نقطه دل
 آشوبانه سی یوقدر که چاملیجه نك اوکوزل قیرلرنده او جهان نما
 موقعلرنده نظرگاه اشتیاقدن کنر یسی صاقلیه یلسون .

اولیه فیاضی صاحلری کوکل او صبا حلرک او قدر وقف
 تأثیراتی اولور که انسان بوکونش غروب ایتمک اوزره طلوع
 ایدیور دیمکه بی اختیار قالور .

بعضا اولیه غروبله تصادف اولور که انسان جناب حق
 مانع رؤیت بشر اولان سرادق غیبتدن برینی کندی دست
 قدرتیله آجش بر بشقه رنگده بر بشقه تجلی ده بر عالم دیگر
 لطافت کوسه تریور ظن ایدر . وقتا که زمان غروب حلول
 ایلر . کونش افقه تقرب ایتدیکه اطرافنده کی بلوطلر یوکسلکه
 باشلار . او زمان سمانك همان یاریسندن پیوک بر قسمی آتشین
 آل بر رنگه غرق اولور . کونش تحول ایتدیکه او رنگ
 تبدل ایدر . سماده هر آن بر رنگ دیگرله تزیین ایلر .

او منور او ملون بلوطلر گاه پارچه پارچه آجیلیر انسان
 دنیاده نه قدر رنگ وار ایسه او دقیقه ده همان هپنی جامع
 کوربنان کونش طاغیلیور ذراتی سمانك ایچنه یایلوب کیدیور
 قیاس ایدر .

گاه او بلوطلر افقک اوزرنده طویلانیور . نوردن بر طاغ
 شکلنه کیرر . ملکلرک آشیانه سی مطلق بو جیل نورک ذروه سیدر
 دینلکه تردد اولنمز .

هیچ خاطرمدن چیقمز . بر بدر کیجه سنده یالکز باشمه
چاملیجه نك ذروه سنه چیقمشیدم .

هوایی هیچ اوکونکی قدر صاف براق ساکت کورماشیدم .
كوك یوزنده بر بلوط پارچه سی کورنمز بر یوزنده بر بیراهک
قلدانیدی ایشیدمز ایدی .

ماه منبر او سکونت ایچنده ظهور ایدی . شعاعنی علم طاعنی
ارن کوی قزل طبراق کوچک چاملیجه بکلربی طرفلرنده کی
اورمانچقره اغاج النرینه صو کنارلرینه ادخال ایتمک باشلار
باشلامز غایت عمیق بر سکونت حکم ایتمکی هرجهنده بردنره
بر فریاد او یاندیردی . بلبلار اسحققر دیگر قوشلر اوزاقده اولان
دره لر دن قور بغار دمدمه ده حایقر شمه باشلادیلر . اوزمان
استانبولک اعتدال ولطافتک اک برنجی اسجابدن اولان شمال
روزکاری وزان ایتمک باشلانجه هوای محبتله بی قرار اولان
کوکلر کی اشجار و نباتاتی ده اهترازه کتوردی . هوای معطر
او قدر خفیف ولطیف ایدی که خالق کریمک چاملیجه ده او
کیجه احسان ایتدیکی بدایع قدرتی تماشا ایچون بر چوق ملکر
کوزله کورنمدرک انسانک باشی اوچنده اوچوشویورلده او
روزکار انلرک قنادلرینک اهترازدن حاصل اولیور دنیله بیلیردی .

عشق و محبت عالمترینک روح افزای علویقی اولان ماه تابان
کمال سکون و سکونتله درجه درجه اعتلا ایتمک باشلادی .
چاملیجه نك اوتنه سنده بریسنده حاصل اولان نورانی ایزلر بر تو
عرفان ایله منور عالم معنا بولری کی روح پرور ایدی .
ضیای ماه ایله تنوج لباس طبیعتله تزیین ایدن آغاچلر چترارلر

خیالات و تصورات شوق انگیزانه ایچنده تصادف اولنان موقعلر
کی برزیب و فرایدی .

تهدره قهرله چیقان اینجده اینجده بولار خیال شاعرانهک
عالم علویده اعتلا سنده قطع ایتدیکی کدرکاهلر کی نظر
ربا ایدی . ضیاء ماه اغاجلرک اوزرلرینی اوقدر تنور ایش
ایدیکه بتون اشجار بیاض چیچکلر آجش ظن ایدیلوردی .

چاملیجه دن بر پوک باغچدنک (لاق) و یا مواقع طبیعه دن
چکن بر نر کی کورینان بوغاز ایچی اوقدر ضیا ایچنده جریان
ایدیوردیکه بر نور ایت عالمی پاره لئش اندن دوکیلان ضیادن
بر طوفان انوار وجوده کلمش صو یرینه نور آقیور کی
کورینوردی .

انهار ایدیتدن بری منصبی دکیشد برمش ده بوغاز ایچنک
منبعنه دوکیلور ظن اولنوردی .

بوغاز ایچندن کچهرک سرای بورنونی کذار ایدنجده بر دهنره
اتساع ایدن دریای نور اوقدر منور ایدیکه بروجدان پاک کی
اوزرنده نه کوچک برلکه نه خفیف بر کولکه کورینوردی .
اوقدر صاف اوقدر شفاف ایدیکه ایچنه باقلسه کافه اسرار
مکونات انده مشهود اوله جق برآینه کائنات قیاس ایدیلوردی .
بولندیغم یردن علم طاغنه قدر امتداد ایدن اینشلی چیقشلی
وبعض یرلری دوز اولان مسافه تاثیر ضیا ایله یره اغش بیاض
بلوطلره بکزیوردی .

هله قارشو طرفده کی افقلرده ضیا اوقدر نرم و لطیف
اوله رق توج ایدیوردیکه بیاغی شعاع قابله طوقوندیقی حس

اولیور و شمعی او افقر دن ملک جمعیتلری ظهور ایدمک
ظنیه نظر تماشاسندن کندینی ایزموردی .
اشته بو منظره عومیه بر صباخ ابدیتک سعری قدر
کسب علویت ایدنجه کوزلم کوریموردیکه دکرده یرده سماءه
افقرده تترمین آیک توج نورانی سی دکل انوار الهیتک مالامال
مخلوقات اولان هر ذره کائناده حاصل ایتدیک قایلرک هیجانی در .
میاں اعتلا اولان فکرم - بر دها عودت ایتمک اوزره -
نامتاهیلکک ایچنده غائب اولوب کیتکه چالیشیوردی .
منجذب الهی اولان کوکلم کندینی هرشیدن تخریر ایدرک کافه
موجوداتک متوجه شتایی اولدینی ابدیتک ایچنده حس ایتمک
استیوردی . بر زمانده که بولدیغم نقطهده بر منظره ما فوق
الکائنات دیناسه بجا ایدی . بر زمانده کی مست نشئه بقا اولان
روح نزد کبریاه قدر اعتلا انش ایدی .
سزایی

اجرام سماویه

اجرام سماویه دیه فضای نامتاهیه ده (بوکا کوک یوزنده ده
دیه ییلورز) بالونلر کی اوچوشان ییلدیزره دیرلر . بولره
کره دیدکلری یووارلق اولدقلرینه اشارت ایچون در . کیمده
کوکباتمئی ویرمشدرکه - اجسام منوره دن بولندقلری بی برکلمده
خبر ویریور . معلوم عالمیان اولان کونش - ایشته بو
ییلدیزلر دن بریدر . بزه هپسندن بیوک کوریموردیه ده فضای
نامتاهیه ده اوقدر بیوک ییلدیزلر واردرکه شمس انلره نسبتله
بردزه قالور . اوحالده کونشدن نیچون دها بیوک کوریموردلر !